

和不可思議功德
向來稱揚功德並已周圓用薦亡魂往生仙界伏願親天尊之妙相依大道之恩光昇陟仙方逍遙自在然冀福霑幽顯利及存亡一切有情同登道岸

黃籙齋十天尊儀

黃籙齋十洲三島拔度儀

舉步虛

次舉三天尊

啓白

焚香上啓供養

三清上聖十極高真常極宮中慈悲太一救苦天尊十方救苦天尊九幽拔罪天尊朱陵度命天尊黃籙職司無邊仙聖十洲三島一切威靈仗此真香普同供養伏望聖慈洞回昭鑒伏以二氣運行猶分消長五常稟賦豈免浮沉乃知生滅之因是特往來之數倘欲延年住世除非脫迹升仙所以塵外十洲盡是長生之境海中三島無非不老之鄉金醴玉漿盈壺不竭霞裾雲袂遂念而生碧藕冰桃三冬結實奇花異果四季敷榮風光駘蕩以如春日月周流而不夜絳霄霽色時開長樂之宮紫霧晨暉遙敞虛皇之殿或駕蒼龍之輦或乘丹鳳之輿鶴唳一聲度仙山而頊刻鵬搏九萬絕溟海以須臾皆憑虛而御空能遺世而絕俗起居自適營慮不關錦繡谷

寒朝暎鬱儀之色丹砂雲淨夜澄結璘之輝玉女傳言金童捧詔時赴瑤池之宴同趨金闕之班樂奏鈞天聲撼廣寒之丹桂盃凝甘露香和王母之蟠桃皆由身乘榮華志甘澹泊怡神養性得及新吐故之方鍊質修真悟入聖超凡之理與塵寰而絕迹故仙籍以著名遊憇三山徘徊十極滄霞服烝保仙壽以無期煉藥燒丹度世入之有道儻有歸依之志為蒙拯拔之恩以今奉為亡過共茂闡沖科大持仙範演十洲之勝境唱三島之玄風憑仗殊因薦茲冥福伏願羣仙降鑒列聖垂光接引神儀超登樂境法衆虔誠稱揚功德

舉大聖飛昇太空天尊

十洲佳景是仙鄉 三島瓊樓住渺茫

西望龜臺通玉國 東連鯨海映扶桑

壺天飛遠人難到 塵世雖悲道易忘

願度神儀超此境 參陪王母禮虛皇

第一瀛洲之境高居溟海遙對會稽瓊室真

官乃二仙之窟宅神之靈草為萬物之嘉祥

鍊昆吾之鐵則切玉如飛飲玉醴之漿則長

生不老青丘隱迹翠水藏仙奉薦靈儀飛昇此境伏願高登雲路達自性之逍遙回謝塵寰了浮生之幻夢法泉飯依讚揚功德

瀛洲宮闕接諸天 象外春光不記年
五色碧鷄啼曉日 千金丹鳳吸朱煙

青丘翠水山川異 玉醴昆吾鐵石堅
願度亡靈超彼處 親聞經法悟真詮

第二玄洲之境居巽宮之地處北海之中遙對天門是為地戶風山蔚秀振萬籟以雷鳴芝草芬芳散瓊葩而路重為泰玄之都府乃仙伯之真司地產黃金石包白玉壽齡無限衣食自然奉薦神儀超登此境伏願飛仙接引瞬息而福地洞天神觀清明換易而仙風道骨法泉飯依讚揚妙範

玄都雄鎮宅仙都 榮館華房列聖居

玉女奏章乘鶴駕 金童傳教跨鯨魚

瓊田產玉珍無價 靈臺敷祭錦不如
願薦靈儀超此境 好辭塵世學清虛

第三長洲之境中藏洞府下歷南溟甘液流泉是謂長生之藥青丘異號具為極樂之鄉

五千里之風景非凡三萬歲之壽齡最久紫樓閣悉女真學道之鄉黃素符書皆高聖煉形之訣上有具都之嶺旁臨廣利之宮奉薦靈儀超昇此境伏願丹霞洞裏常披寶藏之經赤水山頭遙禮玉清之駕法泉飯依讚揚妙範

長洲風景四時春 鳳駕龍樓鎖翠雲

兩岸桃花人不到 一田芝草鶴成羣

瓊樓人散天風冷 玉局潮歸海日曛

願度靈儀超此境 紫虛宮闕禮元君

第四流洲之境三千里界九十萬程西海澄清不見滄波之險東風披拂時聞紫木之香仙仗往來何須舟筏靈薰斷續自有官商明月階前盡看青鸞之舞飛霞山上時來白鶴而來奉薦靈儀超升此境伏願一丸靈藥從勾漏以攜來兩腋清風隨玉川而歸去法泉飯依讚揚妙範

流洲山上號飛霞 仙客騷人百萬家

瑞草靈芝千歲藥 碧蓮仙杏四時花

雲煙帳裏空留鳥 牛斗河邊不用槎

願薦神儀超彼處 種桃歸去飯胡麻

第五元洲之境滄溟以北仙園居中有玉薛之崇高為紫虛之宴處玄洞之甘泉如蜜飲之者住世長年靈峯之異草無名佩之者脫胎換骨洞門不鎖仙客多閑讀羅黃庭但見雲生柱礎驚回青夢不知海變桑田天關之鐘鼓相聞人世之舟車不到光陰難老壽筭無窮奉薦神儀超昇此境伏願百骸蟬蛻悵塵世之空花三洞龍章達真仙之秘範法泉飯依讚揚妙範

元洲福境宅仙真 絳衫彤輝徹香冥
玄澗醴泉流碧砌 紫虛玉館鎖蒼扃
十年瑞鶴歸華表 五色玄龍吸火鈴
願度靈魂超此境 羽衣親惹御爐馨

第六生洲之境地浮東海山接蓬萊仙家參錯於翠微勝境回環於碧障鸞飛鳳翥往來天上之真仙虎嘯龍吟呵護山中之靈跡花敷太妙木並鸞林洞戶長扁時聽瓊鐘之韻天臺高峙每聞玉鐸之聲清風發而頰振雲璈皓月升而海涵半壁四時殊勝千歲優游

天臺高峙每聞玉鐸之聲清風發而頰振雲璈皓月升而海涵半壁四時殊勝千歲優游

奉薦亡靈超昇此境伏願朝步虛皇之闈焚
衆妙香暮登法樂之堂禮三寶相法衆皈依
讚揚功德

生洲主者太清翁 掌握玄機轉化工
啄飲盡從天上升 榮華不與世間同

三花自得朝元趣 百藥何勞愈病功
願度神儀超此境 旋網躡紀步虛空

第七祖洲之境地方萬里雲鎖千家芝號養
神鍾瓊田之瑞氣藥名不死活塵世之枯骸
無病不疼有緣斯過試之神草果符鬼谷之

年求以靈童莫過君房之駕靈苗數尺彷彿
仙本神水一霞涵濡異種名品冠十山之最
英華擅四海之奇奉薦神儀超昇此境伏願

騎驪羽服一息飛過仙山宛轉洞章萬過克
成仙道法衆皈依讚揚功德

祖洲風景異人間 綠水青山匝四環

括宅飛來滄海闊 林芝歸去白雲閑

飢餐黃碧調金鼎 渴飲瓊根徹玉關

願度靈儀超彼處 五雲樓閣任躡攀

第八炎洲之境氣分南極地鎮離宮具火炎

炎火二萬丈洪濤洶湧騰勢千尋鍊陰魄以
飛昇乘陽光而得度布名火浣滌塵埃於烈
焰之中獸號風生復毛羽於積薪之下大丹
流火宮闕森嚴上聖高真威光烜赫皆神仙
之所往與中國以相通奉薦神儀超昇此境

伏願玉眸煉質受度命之具符金液還丹得
返魂之仙術法衆皈依讚揚功德

炎洲獨與世間通 千里航深入漢宮

蒸焰巨天飛鳥畏 洪波市岸巨鰲雄

南昌上境通流火 東井華池接太空

願度神儀超此處 枯骸重得返嬰童

第九鳳麟洲之境中有丹林之府上接青華
之宮下隔溟波遙通天界麒麟所產鸞鳳交
飛山返魂離穢之香鍊金泥續弦之寶仙人
守鼎藥味成丹弱水環洲翕毛不載到此者

神仙上聖治之者天府高真奉薦神儀超登
此境伏願朝拜鬱儀之景體洞金光高齊結
璘之宮面瞻玉相法衆皈依讚揚功德

仙山高峙鳳麟洲 水弱輕毛不可浮

本有度返魂千百里 膠煎麟角幾千秋

雲開慈閣丹如染 日上霖林翠欲流

願度神儀超此境 方壺圓嶠恣遨遊

第十聚窟洲之境山為仙窟宮號洞玄靈根
留却死之苗玉釜鍊金精之液聞之者枯骸
立起飲之者凡骨昇仙俗尚真淳民風樸素

壺中日月竟無春夏秋冬洞裏乾坤自有君
臣父子不貪不慾無去無來奉薦神儀超昇
此境伏願彈指而仙山萬里不假長蘆翠頭
而天闕九重何妨飛鳥法衆皈依讚揚功德

願登聚窟躡雲梯 幢節森森引步躡

湖口金沙林屋洞 桃花流水武陵溪

仙翁禮斗留丹篆 玉女朝天鎖翠微

願度神儀超此處 十洲佳景好留題

第一崑崙之島四圍弱水一號崑崙遙望東
南接石圃仙遊之地遠瞻西北為洞天北戶

之鄉井通大活之泉路入城南之谷具仙所
聚列聖來遊積石山連即西母龜臺之所偃
盆勢險啓穆王仙路之疑花萼玄圃之名巔

有閭風之號天墉城峻積萬鎰之黃金梵炁
樓高睥九高之碧玉十二流晶之闕晝夜常

關八千長壽之桃春秋不謝上接璇璣之府
下臨成亥之區流布五行均調六炁可謂福
堂之境真為長樂之鄉奉薦神儀超昇此境
伏願琳琅風靜身如一葉之輕錦綉煙開足
躡五雲之瑞法衆皈依稱揚功德

崑崙積石接東南 玄圃天墉聳翠嵐
地隔咸陽人不到 宮連王母水相涵
北臨大活通丹井 西望金城關碧潭

願度神儀超此境 閨風臺上聽玄談

第二方丈之島峯如積翠上徹層霄花似流
丹旁連疊嶂聚金玉瑤瑤之殿光奪星辰為
蛟鯨龍蜃之宮穴深滄海乃三天司命之所
治為九源丈人之真居主領天下水族之神
校勘人間學仙之籍金漿玉髓飲之則萬劫
忘飢瑞草靈芝佩之則一塵不染石泉流潤
千載不枯桑椹敷榮萬年長秀當仙子昇天
之際詣高真傳錄之壇符授玄元名通太上
班資榮峻地位清高奉薦神儀超昇此境伏
願衆仙保舉登金門而上玉堂一念遙通埃
泰山而超北海法衆皈依稱揚功德

海中方丈會神仙 地勢巍我別是天
金鳳自多巢藥闕 玉膏誰引灌芝田
樓臺光瑩三清路 花木香浮五色煙
願度神儀超此處 不須回首慕塵緣
第三蓬丘之島周回五千餘里上通三十二

天北距鍾山中連巨海北阿門外為九天帝
君之宮溟渤波中聳三島雲萊之地飛仙來
往瑞靄迷漫環珮珊珊整朝天之班列笙簫
隱隱奏鈞樂之歌音散花來八海之童持蓋
肅五雲之御宇鰲島嶼負石為山仙鳳徘徊
嚳花作供步虛聲徹彩雲四斂於瑤峯梵響
音低絳節齊歸於紫府山中一歲人世百年
如木食菁不假休粮之術棲神斷欲何須執
手之交無寒暑之煎熬辭利名之繁繫道遙
自在快樂無窮奉薦神儀超昇此境伏願覺
花開處十洲之風景長春昨夢醒來三島之
煙霞未散法衆虔誠稱揚功德
蓬萊分命鎮洪濤 大帝仙卿列聖曹
五色雪霜浮玉籟 九清星月射金鰲
瑤臺影蘸天心吟 玉闕光浮海面高

願度神儀超此處 親陪王母賞蟠桃
伏以福地洞天不離塵寰之內神仙達聖亦
居凡俗之中修之者感應自然昧之者情緣
相繫惟高真之憫惻示仙界之清虛使人返
背勞生歸依大道幸逢勝會披度靈儀仗當
瞻禮至真更不執迷塵世今則仰憑善力接
引真游永脫凡籠遙超仙界法衆歸依稱揚
功德

堪嗟人世隙中駒 利鎖名韉祇自拘
不悟因緣皆寄過 每將勞苦作歡娛
榮華富貴今何用 恩愛親姻了似無
從此便登仙路去 十洲三島是真都

黃籙齋十洲三島校度儀